

Najib Ucap Tahniah Kepada Maizura Atas Kemenangan di UADC

Bernama

Jun 12, 2014

KUALA LUMPUR, 12 Jun (Bernama) -- Datuk Seri Najib Tun Razak pada Khamis mengucapkan tahniah dan memuji Maizura Mokhsein atas kejayaannya dalam Kejohanan Debat Bersatu Asia (UADC) yang berlangsung di Singapura.

Maizura, 23, pelajar tahun akhir undang-undang dari Universiti Teknologi Mara (UiTM) dipilih sebagai pendebat terbaik dalam pertandingan berprestij yang diadakan dari 25 Mei hingga 2 Jun.

Dalam entri akaun Twitter beliau, Perdana Menteri berkata : "Kemenangan pelajar UiTM Maizura dalam kejohanan debat Bersatu Asia di Singapura benar-benar satu teladan. Tahniah!".

Maizura menewaskan 360 peserta lain dari universiti-universiti di seluruh Asia dengan memperoleh markah tertinggi dalam kesemua lapan pusingan kelayakan.

UADC merupakan pertandingan terbesar dan berprestij di Asia, dijalankan dalam format Parlimen Asia, di mana pasukan dengan tiga ahli bertemu dalam pertandingan.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1045802>